

猛拋俗海一志投玄全真清靜爲先心上無思無慮無黨無偏  
無中得些雅趣守清貧度日隨緣自然理算從今至古罕有人  
言 惟有神翁苗裔能承當身中自是周圓海底靈龜靈口靈  
吸靈泉靈光復噴絳闕結金丹一顆新鮮無生滅與山侬共禮  
風仙

贈宋先生

休誇富貴莫騁榮華無常事緊堪嗟休學雲陽朱判利鎖名枷  
好繼風仙悟道棄家緣仙路無差長久志鍊凡心似玉絕盡纖  
瑕 度日惟憑乞化憨憨地逍遙雲水生涯常處常清常靜常  
有黃芽無中功成九轉現胎仙手掌靈砂恁時節與山侬同步

道藏輯要

丹陽神光燦

辛

胃集七  
川上三

煙霞

贈張小仙

松峯之下閑飲刀圭薦盃火棗交梨撫動心琴鸞鶴上下爭飛  
虎龍一齊哮吼便說回六賊三尸陰魔散覺天清地靜日月輝  
輝 斡運金光玉艷聚祥煙瑞氣結正嬰兒體挂仙裳足履霞  
彩雲霓口稱不生不滅指蓬瀛路上堪歸這些箇道家活計說  
與人知

贈長安徐先生

一明玄理二曜交宮三才四象究窮通五彩霞光來往清雨濛  
濛六慾七情滌盡八衢流運轉迴風九竅內十分顛倒顯現真

功 十極晴空虛白九重門開闡金玉重重八色琉璃洞裏卧  
虎眠龍七寶花開六出五方中四位歸宗三光照二儀相從一  
箇神翁

贈姜師兄

持功打坐禮土哦吟滄霞辟穀看經符水精專存想嗽咽勞形  
多迷房中之術服還元水火爲憑且不罪這般般功法錯了修  
行 若悟無爲大道絕攀緣愛念喜怒塵情意靜心清精秘氣  
結神凝自然性停命住起真慈功行雙成金童詔便攜雲跨鳳  
得赴蓬瀛

贈眾道友

道藏輯要

丹陽神光燦

圭

胃集七

色財粘惹如漆如膠要他清爽交交那更名韜怎解利鎖難敲  
終日憂兒愁女又何曾暫展眉梢火院裏把身軀陷了如炙如  
炮 若悟無常事緊將恩愛塵緣猛烈俱拋物外逍遙性命便  
是知交日用心清意靜看雲濤龍虎咆哮神光燦現本來面目  
天地難包

寄興平杜公

星移斗轉四時交換無人暫時思算恰做嬰童不覺漸爲老漢  
酒色財氣歷遍好休心也好捨拚好迴首好把元初事好生了  
幹 奉勸疾些下手恐闍羅不測差鬼叫喚早與巨劉譚馬物  
外爲伴靜意清心迳路便名爲長生彼岸神光燦跨青鸞歸去